

Missingiuut

uku pillugit

Kalaallit Nunaanni qamutit assakaasullit (biilit) angissusissaat, akselinut naqitsinerit tamakkiisumillu oqimaassuseqarnissaannut tunngatillugu nalunaarut

Kalaallit Nunaanni aqqusinikkut angallannermut inatsitimmik § 43, § 56, imm. 2 naapertorlugu, tak. inatsit pillugu nalunaarut nr. 995, 26. oktober 2009-imeersoq, nalunaarut nr. 664, 30. maj 2023-imeersoq naapertorlugu Aqqusinikkut angallannermut aqutsisoqarfiup, suliassaanut, pisinnaatitsissuteqarfigisaanut maalaarsinnaanermullu atatillugu periarfissat pillugit pisinnaatitsissut:

Kapitali 1

Nassuaatit

§ 1. Nalunaarummi ataani allassimasut imatut paasineqassapput:

- 1) Silissuseq: Silissuseq qamutip anillanganerpaartai tunngavigalugit, pinagilli tarrassuutit tunummut isiginiarnermut atortut aammalu sangunissamut qullit ikittartartut.
- 2) Takissuseq: Tassaavoq takissuseq qamutip, imal. qamutip kalitallip saarlerpaartaaniit tunorpiaanut takissuseq.
- 3) Portussuseq: Aqqusernup qaavanit qamutip portunerpaartaanut uuttugaq.
- 4) Aksel-imik naqitsineq/sunniineq: Tassaavoq naqitsineq aqqusinermut akselip assakaasuisa akornanniittooq.
- 5) Bogietryk: Tassa tamakkiisumik qamutip akseliinut naqitsinera, aaliangiisoralugu qamutip qanoq sananeqarsimasuunera.
- 6) Tamakkiisumik oqimaassuseq: Qamutip imal. kalitaqartup tamakkiisumik akselinut naqqitsinera.

Imm. 2. Nassuaatit, nalunaarummi Kalaallit Nunaanni qamutit qanoq aaqqissuussaasuunerannut atortulersugaanerannullu tunngasut aamma nalunaarummi matumanit atuupput.

Kapitali 2

Angissutsit

§ 2. Qamut (biili) useqanngitsoq usilersugaasorluunniit 2,5 meterinit silinnerussanngilaq, takuulli imm. 2.

Imm. 2. Sanaartugassanut Aqqusinilerinernullu atugassanik assartuinerit pineqartillugit silinnerpaaffiusinnaasut 2,5 meterinit annerusinnaapput. Kisiannili qaangerneqassanngillat 3,3 meterit, qamutit sulliviusumit sulliviusumut assartuinerisutut. Politiilli itigartitsissutigisinnavaat imm. 1 aamma 2 naapertorlugit assartuinerit, itigartitsinissaq immikkut ittumik pisariaqartutut nalileruniku.

Imm. 3. Qamutit assakaasullit silittut atorneqartillugit imal. pineqartillugit qamutit usillit aqqusinertigut amitsutigut ingerlasussat, taamaattuni immikkut ittumik mianersornissat eqqummaarissuunissallu aqqusinikkoortunut allanut mianerinnittumik pinissaat atutissaaq. Qamut silinnerpaaq, tamannalu pisariaqarpal, qamut taamaattoq talerpiata tungaanit aqquserngup sinaanut unissaaq qamutit assakaasulli allat (biilit) saneqquassinnaaqquillugit.

§ 3. Qamutit motoorillit usilersugaanngitsut useqartulluunniit 12 meterit sinnerlugit takissuseqassanngilat.

Imm. 2. Qamutit kalitallit usillit useqanngitsulluunniit 15,5 meterinit takinerussanngillat.

Imm. 3. Qamutit kalitalersukkat allatulluunniit usisat usilersugaanngitsulluunniit 18 meterinit takinerussanngillat.

§ 4. Qamut motoorilik sunaluunniit usilik useqanngitsorluunniit 4 meterinit portunerussanngilaq.

Imm. 2. Qamut motoorilik qanorluunniit poortussuseqaraluapalluunniit sullunik, ledningeqarfinnik allanilluunniit ataaqqussassanik aqquaagaqartillugu aqittup ataaqqussinissap uloriananngitsumik ajoquisiinngitsumillu ingerlannissaa isumannaatsumik pissammat pisussaaffigivaa.

§ 5. Politiit silissutsinut, takissutsinut portussutsinulluunniit killiliussaasut qaangerneqarsinnaanerannik akuersisinnaapput, allatut iliorluni assartuisinnaaneq nalilersuilluarnikkut ingerlanneqarsainnaanngitsutut nalilerneqartillugu. Politiinit akuersissut ingerlanermi nassarneqartassaaq.

Kapitali 3

Akselimik sunniinerup annertussusia/naqinnejnarnerata annertussusia

§ 6. Qamut pullattakkanik assakaasulik useqarani useqarluniluunniit aqqusinikkut ingerlaqqusaangilaq, akseliunik naqitsineq 10.000 kilonik anneruppat imal. bogietykimik taaneqartartoq (akselinut tamanut naqitsineq) 16.000 kilonit qaffasinneruppat. Kalitallit akselianik naqitsineq biilip kalitsisup tamakkiisumik oqimaassusianit 1,5 meriaat sinnerlugu naqinnejqassanngilaq.

Imm. 2. Akselimit tamakkiisumillu naqtsinermik (bogietyk) naatsorsuinermi akselitut ataatsitut isigineqarput akuttussusiat 1 meterimit annikinneruppat.

§ 7. Qamut manissuinnarnik assakaasulik (valser), tassani ilaallutik assakaasut gummiinnaat pullattagaanngitsut, usillutik usinatilluunniit aqqusinertigut ingerlaqquaanngillat, assakaasup aqqusinermut tunnganera attuumanerup silissusaa aallavigalugu mm-imut 10 kilonik anneruppat.

Imm. 2. Qamutit tamakkiisuik ilaannakuusumilluunniit aputajaassuartut "qitequtaasamik assakaasullit", taakku kaavifiusunut naqtsinerat 1.500 kilonit qaffasinnerussanngillat.

§ 8. Qamutip motoorillip sananeqarnerani akselimit tamakkiisumilluunniit naqtsinissaatut tunngaviusut qaangerneqartassanngillat.

§ 9. Politiit aqqusinernut ikaartarfinnullu oqartussaasut isumaqatiginninniarfigereerlugit akselit naqinnejqarsinnaanerannut killiliussat qaangerneqarnissaat akuersaarsinnaavaat, assartuiniarneq allatut ingerlaneqarsinnaanngitsutut naliliigunik. Politiinit akuersissut ingerlanermi nassarneqartassaaq.

Kapitali 4

Tamakkiisumik oqimaassuseq

§ 10. Qamutit (biilit) assakaasullit pullattakanilluunniit assakaasullit useqanngitsut usillilluunniit aqqusinertigut ingerlaqquaanngillat, tamakkiisumik oqimaassusaat makkunanit qaffasinneruppata:

- 1) Pingasunik akselillit: 24.000 kg-nit oqimaanneruppata.
- 2) Sisamanik amerlanerusunilluunniit akselillit: 32.000 kg-nit oqimaanneqaruppata.

3) Biilit kalitallit: 48.000 kg-nit oqimaanneruppata, takuulli § 11.

§ 11. Biilit kalitallit, kalitsisuusoq nalinginnaasumik 9-t tikillugit ilaaffigineqarsinnaasumik angissuseqarluni imal. tassaalluni biili nioqqutissanik assartuutaasoq (varebil), kalitaalu immikkut unissaateqarani (bremse), taava kalitarisaq kalitsisup biili oqimaassusiata affaa sinnerlugu oqimaassuseqassanngilaq. Kalitaatali tamakkiisumik oqimaassusia kalitsusuusup tamakkiisumik oqimaassusianit 1,5-eriaammik oqimaannerussanngilaq.

§ 12. Qamut (biili) manissunik assakaasulik (valser), aammalu pullattagaanngitsunik gumminik assakaasulik, useqarani useqarluniluunniit aqqusinikkut ingerlaqqusaanngilaq, biili kalitaqartor-luunniit tamakkiisumik 15.000 kg-nik qaffasinnerusumik oqimaassuseqarpat 0,2 meterilli tamaasa takinerugaangat oqimaassuserisinnaasaa 250 kg-nik ilaneqartarluni, taamallu biilip kalitaqartullu saarpiaaniit tunorpiaanut akseleqarnera 2,5 meterinit annerusumik akuttussuse-qarluni.

Imm. 2. Qamutit (biilit), ilaannakuusumik tamakkiisumilluunniit qitequtaasanik nivattaatitut ittunik "assakaasullit" (larvefødder) pineqartillugit, "assakaasut" aqquserngullu akornanni naqtsineq/sunniineq assakaasut kaaviffigisai salliusup kingullerpaajusullu meterimut akuttussutsit akunnerat 4.000 kg-mit annerusumik naqinnejqarsimassanngilaq tamakkiisumillu oqimaassuseq 16.000 kg-nit annertunerussanani.

§ 13. Biilip sananeqarnerani annertunerpaamik tamakkiisumik oqimaassutsit tunngaviusut qaanerlugit sunnerneqartassanngillat.

§ 14. Politiit aqqusinernut ikaartarfinnullu oqartussaasut isumaqatiginninniarfigereerlugit akselit naqinnejqarsinnaanerannut killiliussat qaangerneqarnissaat akuersaarsinnaavaat, assartuininarneq allatut ingerlannejqarsinnaanngitsutut naliliigunik. Politiinit akuersissut ingerlanermi nassarneqartassaaq.

Kapitali 5

*Blokvogne/qamutit immineq ingerlasinnaasut kalinneqartut angissutsimut/oqimaassutsimut
killiliussat qaangerlugit oqimaassusillit*

§ 15. Blokvognitut taaneqartut taamaallaat politiit akuersissuteqarnerisigut assartorlugit ingerlannejqarsinnaapput taakku tunngavissatut killiliussaat killigalugit. Akselip, bogietrykimik taaneqartup aammalu tamakkiisumik oqimaassutsit qanoq annertutiginissaat aaliangerneqasapput, aqqusinernut ikaartarfinnullu oqartussaasut isumaqatigiissuteqarfiginerisigut. Politiillu akuersissutaasa pappialartai ingerlanermi nassarneqartassapput.

Kapitali 6

Killiliussanik unioqqutitsinerit

§ 16. §§ 2-4, § 5, 2. pkt., § 6, imm. 1, §§ 7 aamma 8, § 9, 2. pkt., §§ 10-13, § 14, 2. pkt., aamma § 15, 1. og 3. pkt.-imi allassimasut unioqqutinnejarpata akiliisitsisoqarsinnaavoq.

Kapitalil 7

Atuutilerfissat il.il.

§ 17. Politidirektøri (politiit qullersaat) immikkut akuersisoqarsinnaaneq tunngaviutillugu, aaliangiisinnavaoq, pineqartumut atatillugu nalunaarummi allassimasut iluanni atuuttussaa-junaarsitsisoqarsinnaasoq. Taamaattuni politidirektøri immikkut malittarisassiuussisinnaatitaavoq. Malittarisassiarineqartullu unioqqutsinnejarpata akiliisitsisoqarsinnaavoq.

§ 18. Nalunaarut atuutilissaqq ulloq 1. juni 2024 aallarnerfigalugu.

Imm. 2. Qamutit (biilit) Kalaallit Nunaanni akseliisa qanoq naqinnejarlutik sunnerneqarsinna-nerinut aammalu tamakkiisumik oqimaassutsinut atatillugu nalunaarut nr. 140, 27. marts 1979 -imeersoq atorunnaassaaq.

§ 19. Nalunaarut atuutinngilaq pineqartillugit illersornissamut attuumassuteqartut, art. II, nr. 3-imi allanneqarsimasunut ilaasut, tunngavigalugit Københavnimi ulloq 27. april 1951-imeersumi Kalaallit Nunaata illersorneqarnissaa pillugu Den nordatlantiske Traktat-ip Naalagaaffeqatigiiffimmi naalakkersuisusut aammalu USA-p akornanni isumaqatigiissutitut atsiugaasumik allassimasut.